

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), te tačke III. Zaključka Vlade Zeničko-dobojskog kantona, broj: 02-30-7960/26 od 17.04.2026. godine i Programa utroška sredstava planiranih Budžetom Zeničko-dobojskog kantona za 2026. godinu u razdjelu 20 - Ministarstvo za rad, socijalnu politiku i izbjeglice - izvor 10 i izvor 40 Budžeta Zeničko-dobojskog kantona za 2026. godinu, broj: 02-11-3006/26 od 18.02.2026. godine i broj: 02-11-4369/26 od 06.03.2026. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 129. sjednici, održanoj 18.05.2026. godine, d o n o s i

## **O D L U K U**

### **o odobravanju sredstava za realizaciju Programa sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini**

#### **Član 1.**

##### **(Predmet)**

(1) Odobravaju se Regionalnoj ekonomskoj zajednici REZ d.o.o. sredstva u iznosu 50.000,00 KM (slovima: pedesethiljada konvertibilnih maraka) za realizaciju Programa sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini, na koji je Vlada Zeničko-dobojskog kantona dala saglasnost Zaključkom, broj: 02-30-7960/26 od 17.04.2026. godine.

(2) Sredstva iz stava (1) ovog člana odobravaju se za povećanje zapošljivosti kroz sticanje praktičnih IT/AI kompetencija traženih na lokalnom i regionalnom tržištu rada, uz doprinos digitalnoj transformaciji sektora malih i srednjih preduzeća Zeničko-dobojskog kantona za najmanje 40 nezaposlenih osoba prijavljenih na evidenciji JU Služba za zapošljavanje Zeničko-dobojskog kantona.

#### **Član 2.**

##### **(Analitička konta)**

Sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 24/25 i 5/26), sa razdjela 20- Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 614100, subanalitika KAD 221, pozicija Budžeta: „Poticaj zapošljavanja mladih“.

#### **Član 3.**

##### **(Uplata sredstava)**

Odobrena sredstva će se uplatiti na transakcijski račun Regionalnoj ekonomskoj zajednici REZ d.o.o. broj: 1610550004760016, koji je otvoren kod Raiffeisen Banke d.d. Sarajevo, svrha uplate: „Realizacija Programa sufinansiranja obrazovanja odraslih za potrebe IT/AI tržišta rada Zeničko-dobojskog kantona u 2026. godini“.

#### **Član 4.**

##### **(Realizacija Odluke)**

Za realizaciju ove odluke zadužuju se Ministarstvo za rad, socijalnu politiku i izbjeglice, Ministarstvo finansija i Regionalna ekonomska zajednica REZ d.o.o., svako u okviru svojih nadležnosti.

## **Član 5.**

### **(Izvještavanje)**

Obavezuje se Regionalna ekonomska zajednica REZ d.o.o. da Ministarstvu za rad, socijalnu politiku i izbjeglice po okončanju Programa dostavi kompletan narativni i finansijski izvještaj o realizaciji Programa sa efektima istog, najkasnije do 31.12.2026.godine.

## **Član 6.**

### **(Stupanje na snagu)**

Odluka stupa na snagu danom donošenja i biti će objavljena u „Službenim novinama Zeničko-dobojskog kantona”.

Broj: 02-11-10107/26

Datum, 18.05.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x Regionalna ekonomska zajednica REZ d.o.o., putem Ministarstva,

1x „Službene novine Zeničko-dobojskog kantona“,

1x a/a.